

1. PRENANTHES PENDULA. C. H. SCHULTZ BIP.

Sola subgeneris Chrysoprenanthidis species, cujus diagnosis supra indicata.

Sonchus (*Picrosonchus*) *pendulus*. *Webb, in Litt.*

Cerraja de Riscos Canariensium.

HAB. Species hæc pulcherrima crescit in fissuris rupium, ad sylvas vallis Tiraxanæ *De-gollada de Manzanilla* dictas, in regione altâ Canariæ, ubi eam primus invenit cl. Berthelotius! sec. Webb! in litt.

DISTRIB. GEOGR. Suffrutex merè canariensis.

DESCR. Rupicola caule tortuoso, lutescente, cicatricibus foliorum notato; rami annui, purpurascen-tes; calyx herbaceus, apice purpurascens; flores lutei. Achænio lævi, vix costato a *Picrosoncho* proto-ty-po differt, sed hoc caractere *Sonchis* aliis accedit et *Lampsanam* ferè refert: Webb! in Litt.

A rupibus dependit similique modo crescit uti *Sonchi* canarienses fruticosi. Pedunculus communis nempe, in axi foliorum supremorum ortus, post achæniorum maturitatem marcescit. Plantæ partes superiores nunc describendi $3/4$ - $5/4$ pedes longi, arcuati, quomodo a rupibus dependebant, glabri, foliati, corymbo supra-decomposito terminati, graciles, flexiles, exsiccati fragiles, inferne suffrutes-centes, 2 lin. diametro metientes, ligno albo lutescente, cortice longitudinaliter rugoso, cicatricibus transversalibus à foliorum delapsorum insertionem ortis notatæ, dilutè brunneo-lutescentes. FOLIA lineâ spirali disposita distantia, inferne magis conferta, corymbum versus remotiora, longitudine spi-thamæ vel dodranthis n. 7-9, inferiora $5\ 1/2$, pleraque 5-4, suprema tantum 3-2 imo $1\ 2/3$ poll. longa, superne $2\ 3/4$ - $1\ 1/2$, pl. ultra 2 poll. diametro metientia, longe petiolata, petiolo 3-4- $2\ 1/2$ pl. 2 poll. longo, laminam folii subæquante, $1/2$ - $3/4$ lin. diametro metiente, subtriangulari, sessili. Lamina folii 1-3 $1/2$ pl. 2-3 poll. longa, circumferentia ovata, pinnatifida, pinnis utrinque 2-3 suboppositis, 7-14 lin. longis, triangulari-lanceolatis, elongato-acuminatis, cum margine folii integerrimis, margine inferiore rectis, superiore convexis et raro ad exortum dente parvò triangulari-acumi-nato, 2 lin. longo-pinnulæ rudimento-notatis; lobus terminalis pinnam referens ad exortum sæpius utrinque pinnula una alterave rudimentaria, 2-4 lin. longa, triangulari notatus. Rachis $1/2$ -1 poll. lata et si pinnarum par tertium adest, inter hoc et intermedium quandoque tantum $1-1\ 1/2$ lin. Pinnæ hujus speciei cum forfice excisæ esse videntur, sinus inter binos vero rotundatæ. Folia ceterum pergamentacea, glaberrima, infra glaucescentia, penninervia, cum foliis *Sonchi* acidi *Schousb.*, quodammodo comparanda, superne decrescunt et ad ramificationem corymbi infimam vel adhuc sequentem adhuc observantur. CORYMBUS myriocephalus, ramosissimus, 3-6 $1/2$ poll. diametro metiens, 3-4 $1/2$ poll. altus, dichotomus. Ramus inferior et sequens quandoque in axi foliorum jam descriptorum oriuntur, sequentes vero cum ramulis et pedicellis in axi squamarum anguste linearium, vel squamarum lineari-lanceolarum, $1/2$ -4 lin. longarum. Pedicelli capitulo breviores, $3/4$ -3 lin. longi, nudi vel squamula parva muniti. CAPITULA 5-flora, semper erecta. INVOLUCRUM cylindraceum, 5 lin. longum, in statu compresso 1 lin. latum, squamis internis n. 5 subæquilongis, vix 1 lin. latis, linearibus, obtusis, superne ciliatis, exterioribus fere totidem vel ad basin sexta v. septima accedunt

duplo-sextuplo brevioribus, ovato-triangulari-lanceolatis, obtusis, omnibus adpressis, herbaceis, viridibus. Inferne involucri squamæ cum pedicelli apice, more Sonchi, post achæniorum maturitatem albide spongiose dilatantur. RECEPTACULUM minimum, nudum. FLORES flavi, hermaphroditi, lingulati, ultra 5 lin. longi, apice 5-dentati. Tubus ligulam subæquat; antheræ elongatæ ligulam subequant; styli superne hirti rami ligulam lineâ unâ superant. ACHÆNIA articulate cum receptaculo juncta, 2 lin. circiter longa, superne $1/3-2/5$ lin. diametro metientia, cylindræa, compressiuscula, utrinque, præcipue inferne paulo attenuata, erostria, glabra, alutacea, 5 sulcis angustis in partes 5 divisa; nectarium conspicuum. PAPPUS 1 lin. vix superans, achænio duplo fere brevior, persistens, niveus, setis subæqualibus, flexilibus, tenuibus, denticulis distantibus extrorso-antrorsis munitis, areolæ apicalis dilatati margine insidentibus.

Obs. Certe Lampsanæ, monente rectè acutissimo Webb, affinis et pappo abbreviato transitum ad Rhabdothecam formans.

EXPLICATIO TAB. 124.

1. Ramus florifer magn. nat. 2. Flos cum 2, Achænio et 3, Achænio medio longitrorsum secto, magn. auct.

LACTUCA.

PLIN. — TRAG. — LINN. ex parte. — C. H. SCHULTZ Bip., in Linnæa, XV, p. 724 excl. subgenere B. a. (Microrhyncho) cum Soncho jungendo.

CAPITULUM multi-pauciflorum. INVOLUCRI + — imbricati, subcylindræi, demum reflexi squamæ interiores ad apicem dilatatæ magis herbacæ. RECEPTACULUM nudum. ACHÆNIA plano-compressa, longitudinaliter striato-carinata, in rostrum attenuata. PAPPUS persistens, niveus, pluriserialis, setis strictis, subæqualibus, distanter denticulis brevibus, extrorso-antrorsis munitis, non tantopere digitis adherentibus nec crassioribus intermixtis ut Sonchi.

HERBÆ pl. glabræ, glaucescentes, paniculatæ, variantes foliis integris vel runcinatis, costâ aculeatis vel glabris; flores flavi, cœrulei, purpurei vel albi.

1. LACTUCA SYLVESTRIS β coriacea. C. H. SCH. BIPONT.

A. Rostrum achæniæ gracile discolor. = Eulactuca C. H. Schultz Bip. MS.

a. Achænia longitudinaliter multistriata. = Lactucæ genuinæ Schultz Bip.

z. Folia lata, ovato-lanceolata. = Platyphylloseris C. H. Schultz Bip. in Linnæa, XV, p. 720.



BIBLIOTECA
DE
CIENCIAS MORALES

Rauha del.

Ville lyp me.

Parnassia pendula Vcl.

Lith. de Jules Rign. & Richer 7.